


續扶桑隱逸傳 中

内閣文庫	
番號	和 15994
冊數	6 (5)
函號	158 197

内閣文庫	和書類
五八	五九
一	六
十	四
架	冊

0 1 2 3 4 5 6 7 8 9 10





續扶桑隱逸傳卷中之目錄

淺草文庫

徹通

義尹

大智

遠谿

雪村

是乘

聞薰叟

夢窓

關山

無求

拔隊

月菴

無文

松嶺

一源

哲崑

續扶桑隱逸傳卷中

續扶桑隱逸傳卷中

初

心勝

九峯

愚中

無因

傳仙

郭明

白崖

向陽大等

萃叟

大洞如仲

瑞岩

南英

盧嶽

洛下隱士

箕山子

明忍

續扶桑隱逸傳卷中

太來告白石岩居沙門不器子心義堂撰

不器

師諱義介號徹通越州羽鄉人大將軍藤利仁

之後也年方舞勺投州懷鑑祝髮納戒翌歲上

睿山習學台教仁治二年參道元和尙聞示衆

有省欽服改衣夙夜增進從元挿艸創越之

吉祥職以典座次以鑑寺百務蠟集嘗無難色

晝則營辨衆事夜則坐禪達旦無異楊岐護慈

續扶桑隱逸傳卷中

明也。元見其志，每拊髀嘆曰：真法器也。元遷化後，樊補其席，命師首眾，遂以正元元年渡海入宋。徧敲叢席，乃歸本寺，嗣法。樊公文永四年，董席瑞世奔走，龍象交鳴，鼓鐘事事可則，井井有條。住持六載，退位造養母堂，養母効陳尊宿之風，而棲逢二十歲，波多野，四卽金吾，重道與之衣糧，俱辭不納。孤冷峭絕，世味泊如也。時加之大乘寺澄海阿闍梨，與其大檀藤家尚鄉師，道望革教爲禪，遂請師爲始祖。高立法幢，緇白星

聚後得紹瑾，丕振化風。師結茅本山，杜門禪然，與世相忘。又十年，杖笠之外，第一包具而已。延慶西秋九月十四日，辭眾說偈曰：七顛八倒九十一年，蘆花覆雪，午夜月圓。踟躕而化，壽如遺頌，臘七十八建塔。本山曰：定允焉。

贊曰：是真法器爲道，拔群枯挺。紹瑾荷負，孤雲多少。日倦撈捭，三十秋事耕耘。高致風陳尊宿，三祖燭爍所所。

義尹

義尹字寒岩顯德帝第三子建保五年誕矣天
性諄懿不膠世故脫屣榮位披剝磨山始謁道
元後師徹通孤爲心法兩浮滄溟宋諸名德各
加器重跨舶歸國三祀寓于博多又游肥之後
州棲止小保里建治二年募化而架大渡長橋
甚極壯麗人民頌德又創大慈於此所其山名
大梁者以有長橋故也龜山法皇下詔特賜紫
伽梨及宸翰額榜存於今四方尊其德而不敢
名止稱法皇長老蓋以皇太子也正安二年八

月二十一日淨髮沐浴索筆書偈曰八十四年
動靜得禪末後一句威音已前置筆遷化庶民
大哭

贊曰豐聰自降儲位未嘗落飾尹公脫屣榮
位而服緇衲二公隔代同志覃雪其意地今
古一鍾期也已尹公又至於掌役長橋而利
濟庶民者吾以一辭不能措焉

祇陀大智

大智者肥之後州人也童薙鏗髮師尹寒岩岩

以其有英邁之標。撫愛之。尋徙大乘。日夜研究。腸不席食不味者七年。有朝智在東廊而立。見僧在西廊而過。瞥爾水消。壯年厭喧。隱棲加之。鳳山誓不下山者二十年。因有艸屋。單丁二十年。未持一鉢。望人煙。千林菓熟。携籃拾食。罷谿邊枕石眠之。偈其高懷逸韻。可想見焉。有偈頌集。盛行于世。後就其地。檀造伽藍。輪焉與焉。極世壯麗。自此道化蔚然。信靡如風。時歸肥州。一日乘船。棹空而去。以其日為示寂辰。

贊曰大智有山居偈。今竊舉之。以充贊詞。其偈曰。方袍圓頂。做僧形。何用波波競利名。山上有柴。溪有水。林間最好養殘生。

遠谿

師號遠谿。講祖雄丹州。冰上郡人也。俗緣藤氏。師生於弘安戊午。風神峭拔。識量寬和。年方舞勺。有志於道。宅邊有古松樹。槃結如蒲輪。每坐其上。如是七白時。人指其松曰。坐禪松。其父聞之。嘆而遂令出俗。師大喜。尋投一山寺。斷髮受

戒時年十九矣。德治元年航海登天目山參謁中峯。服勤十霜。密授心印。俄得母書。乃理歸。及歸。其母已逝。師悲不已。遁跡於筓之岩。穴經十載。得悟了菴。以嗣其法。後入里結菴而居。久之。漸成叢席。即高源是也。康永三年六月二十七日。端坐而蛻。在世五十九。僧位四十一。門弟以陶器奉蛻質。葬於松下。建宇其上。榜曰靈光焉。

贊曰。松上工夫。岩穴晦跡。追鳥窠風。接了菴。

脉位鎮江山。危有薦席名。蜚九重。寵賜屢。爽

雪村

師名友梅。字雪村。號幻空。越後州白鳥鄉源氏子。姿秀拔。不類時童。幼禮一山。服勤左右。稍長。登壇受具。掛錫建仁。年十有八。渡海南遊。徧參諸老。機鋒交戰。當仁不讓。後謁叔平。隆乎湖之道場。山命之秉拂。時元主相繼。四方有未臣伏者。疑師異國人。因拘於獄。鞫勘萬端。湯火條治。不可具陳。逮刑官加刃之際。師怡然不惧。朗

誦于元之珍重大元三尺劍偈猶是獲免名落
天下故師有童子曾參無厭足鑊湯爐炭起清
風之句當拍元偈演成四首乾坤無地阜狐策
可是藏身處沒踪半夜木人騎石馬鐵圍撞倒
百千重云云既而朝議竄師于西蜀出函關度
秦隴賦詩云函谷關西放逐僧黃皮瘦裹骨峻
嶮有時宴坐幽岩石只欠空生作友朋函谷關
西放逐僧是何頑惡得人憎觸髓刃下逃腥血
脚債曾煩驛吏徵函谷關西放逐僧同行唯有

一枝藤終南翠色連嵩華慶快平生此一登師
十年後蒙恩放還留連長安三載忽念母在堂
將謀歸會文宗皇帝即位有命在京兆翠微寺
遂說法嗣一山居之無何附舶東歸即赴相陽
希有回母子母相見悲喜交集先是師藏一金
意欲遺母勤忍飢寒不敢自用出以奉母其孝
至此乃與母同居竭誠奉養其樂可勝言哉信
州郡守聞師歸國虛慈雲之席起師據位自是
遷諸名利所至歸仰山川改觀應接既倦輒肥

遁于梅尾緣德香莫掩征夷大將軍強師權萬
 壽師堅臥不起掩室于良峯至再請不得已而
 應方周歲棄去又有朝命詔居東山建仁禪寺
 至則王臣歸崇大振化風貞和二年臘月二日
 遷化享齡五十又七僧臘若干文宗帝賜號寶
 覺真空禪師山示又無可說
 贊曰四首二日且喜人空法亦空大千任是
 一樊籠罪念心滅二禪樂誰道提婆在獄中
 嗚乎不以苦樂介其懷不以逆順移其衷遂

能德重一時聲鳴萬世者友梅翁而已

是乘

是乘諱雪舟其號也不詳俗緣乘徧歷京師相
 陽諸名宿嘗盡寒酸風味而乃拂衣遠引圖臥
 林丘一日造江之永源參於允寂室因喜家風
 俊逸飽味枯淡允稱乘知客其示誨略曰去秋
 來此與同志五七輩聚嘗蝸屋之下過一冬訖
 猶嫌山之淺且欲從深入於深其高尚之趣足
 以可嘉也惜乎失乘之行錄矣

贊曰弊屣世榮抗衡名宿雪苦霜辛雲巾霞
服歸臥林丘警受蝸屋從深入深山即骨肉
薰聞叟

薰聞叟者關西人也性爽拔精敏孜孜為道真
佳衲子一日到江飯高山謁見寂室和尚叟有
時從容語和尚曰昔辭親離鄉之日自謂吾早
徂大方揆艸瞻風依棲良導善友晨夕咨參究
明已事報父母劬勞之恩酬佛祖覆蔭之德幸
獲掛錫名藍在苒十霜於茲焉同閱袂臘不下

五七百衆屈干要釋其一人將為言行之師何
止若揆波求火也哉凡屬見聞非唯佳敗若提
種子殆可滋潤輪回業根深知今時一日出隨
于眾萬劫失利乎已之必矣因憶古人法席全
盛之時尚逃名跡累菲茨石室菓食澗飲終身
與世邈如嘗聞為僧須是居岩谷又云柳棟橫
擔不顧人直入千峯萬峯去吾今忝攀隱哲之
勝軌拂衣遠引永歸雲山深變深處乃竊自誓
寧可將身投火坑不復脚踏叢林間寧可窮死

荒藪下不謁播紳豪富門寧可在遭斷舌災未
悟不妄談般若矣

贊曰寂室曰予聽其詞至當痛的不覺涕下
嘉嘆久之仍迅筆記取系之以二十八言贈
云西山亮去唯幽谷南嶽瓊凶空白雲追慕
清標高格者又來岩下獨尋君器亦書此為
遜者充默眼藥以追室公之驥尾矣

夢窓

師諱智曜姓源氏勢州人宇多天皇九世孫也

九歲出家依平鹽教院以居焉一夕夢遊中國
踈山石頭二刹一厖眉僧持達磨像授之曰爾
善事之既寤嘆曰洞明吾本心者其唯禪觀乎
遂受名陳石字夢窓嘉元三年五月一夕坐久
偶作倚壁勢身忽仆去豁然大悟作偈自慶有
等閑擊碎虛空骨之句亟見高峯求印可焉師
回棧甲州龍山菴峯招住長樂寺師力辭阜菴
濃之清水山扁之曰釣月水湧有靈龜水名故
漱之者感陳蹟去師想山淺又移古溪正中二

年後醍醐帝詔師住南禪禪寺。師自言志在煙霞出世非所願。帝曰：朕心非有他欲，且問道耳。師不得已，應命。帝時幸臨之，相與談玄，竟日還。御將及暮，帝遜征師，又引退遺緒千般詳行業。記觀應二年九月三十日於堯率內院鳴鼓集衆告別，儵然而逝。四明東陵輿和尙爲師撰塔上之銘。金華宋文憲公濂奉敕述碑紀德焉。

贊曰：古溪釣月冷淡家風，踈山石頭至哉夢中志在泉石，何對王宮門庭壁立懸千仞堯

率儵然路未通

妙心關山

惠玄號關山，姓源氏，信州人也。投廣嚴於相陽，薙染謁大燈於紫野，悟了。元德二年入濃之深山，縛菴而居焉。乃越數年，強應勅命，勅捨華園，大瓶妙心。玄蒙詔命，以爲始祖，常握竹篋，接納方來。胸次豁達，勦絕廉纖，不拘規式，無意興作。一室蕭然，弗置長物，至縮藤以作衣環也。嗣其法者，獨弼投翁而已。一日頂笠携瓶，到大樹下。

談訣於斯泊然化去時延文五庚子年臘月十二日壽八十四臘六十四

無求

無求和尚不知何許人夢窓國師之高第也幼讀魯論無處俗意依國師為童子愛其敏捷甚器之嘗居資壽信福有詩云栖息不應過一枝雲林隨處是生涯昨非今是俱忘却只聽松風十二時其高尚之風可想見焉朝野欽崇起師住相國寺晚年就於龜山真菴扁曰大慈為秩

老之計後終於環中環中師嘗所為窓師下院也

贊曰性極慈仁不處風塵齋阿堵物以施丐人眉底有眼鼻下有唇父子不傳真妙訣坐微塵裡轉法輪

拔隊

師名得勝號拔隊相州藤氏子童稚穎脫無當其鋒依往治福寺授應衡公受業俄而嘆曰人命如朝露倏忽莫保生死事大不可緩也去訪

瓊侍者瓊單丁二十餘載亦有道士也師與語相契依瓊揭勵師工夫深密或遊行而忘移足或露坐而忘驟雨里人憐之縛艸屋與居自誓畢生脇不至席一日聞谿聲豁然契悟一笑而作後聞瓊侍者稱雲樹孤峯國師最是作家宗匠特往請益問答之下命根頓斷遂承密印是後遊行諸方初無定止偶至豆州菴于鍋澤山道俗敬之坐兩夏振錫甲州居三載衆盈數百受請移鹽山不久成太社名曰向岳學侶雲從

至萬餘指師宴坐一室如無一人至德四年二月二十日示偈奄然坐脫報年六十一有語錄行于世

贊曰勝師穎脫鈍置古今道山德海惟高惟深流行坎止崑玉麗金恁麼剎利卻孤峯擒

月菴

師諱宗炎號月菴俗姓江氏濃州人也母夢吉祥覺即有孕自爾絕葷擅課法華幼而聰穎目空射入出家禮一峯翁為師年十五祝髮進具

命也。仙和尚開法南禪師造席下。則仙見其顏
貌峻拔。出語皆中肯綮。即以法器期之。命典賓
寮。及仙遷建。長師亦從行。充侍香。既而歸省。受
業。一日晚參後。翁取拂子蒲團。召師與健。曰。爾
兩人造詣已至。然不可得少爲足。憂大有事在。
不見道末後。一句始到。牢關老僧百年後當與
迹林。密共相商略。遂以拂子付健。以蒲團付師。
曰。汝當爲人天眼目。復付袈裟。曰。此是老僧四
十年說法之衣也。汝善保護。及翁遷化。師叩諸

方。不敢自怠。峯翁嫡嗣有大蟲者。在豫州掩關
師往謁。一旦於蟲言。下大悟。乃罷參。已而南紀
伊洛。隨緣隱跡。貞治間遊。但州黑川。愛其山水
幽邃。寓焉。縛柴爲牀。練楮爲衣。枯淡自守。與世
邈然。未幾。毳侶雲臻。拒之不可。乃相與誅茅。植
艸。遂成禪坊。以爲始祖。今雲頂山大明禪寺是
也。康應元年二月二十三日。中夜坐化。立寶塔。
曰正法。因謚正續大祖禪師。語錄二冊行于世。
明僧高泉爲序。弁卷首云。

贊曰菴也峯翁受業欲逢竺仙把定奪衣始
到牢關出語皆中肯綮偉哉戴角大蟲瞥爾
起尸成風深移錫探黑水知雲山為禪叢

無文

師諱元選號無文京兆人後醍醐帝之遺子也
美姿容喜趺坐嘗入山寺學內外典年十八至
建仁依明窓為大僧康永二年南遊至温州遇
異人與語深契留數時由是音語相通遊歷諸
州參知識後走北地禮德山塔與同鄉三人寓

居約三年脇不治席不藉髮既而至正十六年
將東返而發舟抵博多有舊識慕其德欲施巨
莊起師住院師曰吾天性孤貧其休林樾且智
德俱闕平昔有願寧將此身投熾然猛火終不
據叢林之席謁豪貴之門但可與艸木同腐耳
晚誅茅于西山曰歸休至德間入遠州與山喜
其幽邃居焉未幾化荒墟為金碧號曰方廣禪
衲蟬聚盈數百人澗飲蔬食遞相警策俄至濃
之椿洞坐夏眾相尋而至者不下二萬指師倦

應接退歸方廣臨終說偈遂終于正寢康應二
年閏三月二十二日也春秋六十八僧夏四十
九云

贊曰遺體至尊所役至賤當行悲敬二由親
浴疥癩數回誓而不據叢林其而欲臥苔蘚
澗飲蔬食之肥禪衲燈聚腥齋

松嶺

師諱道秀號松嶺姓藤氏武州人也父名尊嚴
母平氏夢一高僧寄削髮刀覺而有孕及誕體

之瀆咨決大事豈似若等遊州獵縣虛延歲月
常計這邊枯澹那邊豐足若恁麼稱行脚掩彩
殺人速出山門可也聞者赧然元帥聞其風大
喜願捨莊田充供師不受但令其禁獵師從之
一日發背癰痛不可忍氣將絕顧左右曰汝等
勿慮吾尚未死有神告曰受延我一十六年亡
何癰即愈師住永源始終兩度大丞相顯山公
嚮師道化遣家臣齎香信袈裟代躬禮謁特描
其頂相歸府供養一日命駕至山官從盈門師

坐而接之歲丁酉春正月捐寺之北隅謂徒曰
他日當以我遺骸瘞於此不用立塔但植一松
足矣二月十三日示微疾謂侍僧曰吾將行矣
十四早令侍者掖起著僧伽黎打坐侍者請偈
師呵呵笑曰要得作什麼良久泊然而逝壽八
十又八坐七十二夏丞相以師行業奏於朝賜
謚圓明證知禪師云

贊曰弊衣垢面行杜多行坐接丞相罵刺諸
生牛欄頭角林際犁耕植松一境無人住歎

在岩根骨也清

一源

師名會統字一源肥後州人生于菊池藤氏幼
明敏超人志在塵表投油山平田均公剃染執
侍既久均公遷南禪為掌衣鉢及均佚老于常
在光院師乃辭歸鄉忽自嘆曰吾侍師二十餘
年已事未辨倘歲月不延寧不失出家之利乎
既因緣不在茲不如向諸方行脚去遂腰包至
近州時寂室鳴道于飯嶺望重一時師造焉室

甚器之師晝夜提撕無字而衣不解帶目不交
睫俄涼寂將下山室苦勉之師承誨益加進力
寓居輦下及病少瘥輒剖頂膚以藏舍利或燒
指節以供佛陀皆欲固其道力也應安初有玄
智大姊捨淨觀創祇樹精舍延師居之寒暑一
衲禪誦不怠又日之大慈攝之允雲嘗虛席屈
請師皆不就每與春屋龍湫性海諸老往來道
話不復知有人間世也而公卿大夫欽風頌德
者咸忘齒屈勢而師事焉師聲花由此日重應

永五年戊寅春卜居小山為終焉之計其地隣
白石神社因號曰白石明年四月二十五日無
病坐脫春秋七十有一矣

贊曰出世為人要續佛種懼失其傳源脉又
壘辭招名藍掉頭不狃諸公頌德獨存會統
平田為接幾許年寂室甚賞是器重

哲品

師名祖浚號哲岩俗姓佐伯氏播州人也母紀
氏夢人授明珠五顆有孕占者曰懷中必男子

但非塵中物他日或有五刹之應及生骨相岐
嶷聰慧過人年十六投本州雲龍谷和尚雍深
納戒稟密法于天台得無碍辯誨人不倦應安
三年領相帔出世攝之澄心寺拈香為龍谷之
嗣爾後果應五刹信古者言弗妄也居之二載
退休于常喜菴影不出山凝塵蒲席晏如也應
永十二年八月十七日中夜集諸徒書偈曰倒
臥橫眠八十二年失腳踏斷利界三千遂泊然
坐脫

贊曰五刹明珠果從五刹影不出山塵欲埋
帔倒臥橫眠人襲天刑莫謂連城骨相嶷板

心勝

諱心勝俗名氏賴姓源氏斯波尾州刺史高經
之子也長而孝順洞達韜略時人以為天下重
器大樹義詮亦寵異之唯父高經徧愛庶子義
將欲使其代已以執政柄繇是勝知其意進退
狼狽乃躬以樗散弱質而告之君父歸心於釋
門晦迹於高野大樹聞之深惜其才數發使徵

之勝柳榆不應以為煩潛出高野隱于下野之
二荒山大樹復徵之不措勝終不聽焉舉世咸
言勝之不出者茂其父高經之無仁也勝聞此
言而有覺幡然出山輒使基氏報於大樹曰勝
來京兆誠有所以哉惶恐深望無政務爵祿之
命大樹許可之甚嘆焉蓋勝之意欲避其代父
陵弟之嫌也依不常遊洛往居若州終不廢僧
律後復歸山云

贊曰天下重器瑚璉彬彬脫屣爵祿服鷹金

輪孝親惠弟以義依仁賢乎勝也永以書紳

九峯

師名韶奏號九峯未詳其姓氏雲州人也得法
於華藏劍靈峯一日徧辭山中諸老自入石龕
中時本寺住持鳴鐘率眾至一僧問如何是末
後句師豎一指乃令大眾誦楞嚴咒至第五會
自閉龕戶時應永十二年十一月十一日也春
秋八十有一臘六十有六塔曰定炎

愚中

師諱周及字愚中。濃州人。姓藤氏。母祈觀音。有
感而孕。方五歲。執普門品。問父。父異焉。因請僧
授之。即能誦焉。年十三。禮夢窻。剝落具戒。因其
身長。戲以高沙彌呼之。窻公偶題友雲菴詩。命
和。師應聲曰。岩樹陰森日易曛。無心來往洞中
雲。凝然一榻乾坤闊。物外逍遙趣不群。窻公稱
賞。曆應三年。南遊。抵明州。進謁月江朝。夕參叩。
乃至金山。謁林佛通。休先。一夜夢佛印。元禪師
至。及師相見。大喜。遇之甚渥。師一日聞示誨言。

下契悟。即作頌呈。至正十年。休示微疾。令歸國。
示以偈。又囑曰。爾歸鄉國。不要出世。須是山林
樹下。得坐披衣。專一。做靜地工夫。長養聖胎。他
時異日向狐峯頂上。發揮吾道去。在師作禮。而
退。遂歸省。侍夢窻。未幾。窻公遷化。師留塔下心。
喪三年。以報受業之恩。既而一筇一笠。或深山
岩谷。隨處寄寓。自是紳縉士庶。歸仰雜遝。因雖
師應招。至處。別縛茅。只愛幽邃之趣而已。師一
日示病。加跌而逝。實應永十六年八月二十五

日也

贊曰再生佛印大士應緣圓佛通夢倚兜率
天靜地工夫心喪三年孤峯頂上龍象駢闐

無因

師諱宗因號無因俗姓平氏尾州人也九歲投
建仁寺可翁始為驅鳥十七歲為大僧其天資
繁不事世緣會妙心授翁弘闡宗旨因喜參謁
久而愈篤果造天休歇之地遂嗣其法雲州太
守波多野氏某就于城中初院以樓因扁曰退

藏晚年大和國義持公聞其道價欲仰請相見
師以老病卻之爰有太德之命亦固辭不赴因
之偉行甚眾舉此例知餘不詳載也應永十七
六月初四日示寂春秋八十有五報壽也

偉仙

師諱方喬其號為偉仙嗣法佛滿下野州藤原
氏之子也喬處母胎十二月而生時建武甲寅
八月十五夜也甫三歲父歿六歲欲求出家報
罔極之恩母忻然許之投郡鏤阿寺明範薙髮

焉。學才稍長，一日拊髀嘆曰：「慧業雖富，倘心地不明，將何抵敵？生歿乎？乃奮志入禪，尋往建長參請。有年，既而戢影于野之補陀，凡三載。回鄉養母，暇日閱藏者，三每講四十二章經，感天華紛墜。永仁間，有嘉遁之志，營蘭若于行道山，即淨。因是也，居恒兼修淨業，四眾忻仰，施者日接，踵不絕。應永初，副元帥太全基公重其名德，報大元帥，屈師入府，堅拒不赴。天下咸高其風，俄示疾，端坐而歿。時應永二十一年正月二十五日也。」

郭明

日也。菩提位六十五。夏。人間壽八十一。霜

郭明俗號高泰。姓平氏。佐原末孫也。少好泉石而尚嘉遁。無意繼家。捨世入肥州。每遊樵屋。彌旬。忘歸。東西逆亂。自持鉢盂。至窮谷無人之處。燒竹於樹。以茅為覆。而居焉。恒乞食民家。無食則拾菓。遂終於此。壽五十有餘。枕法華。歿。無人知之。獵人告之。云

贊曰：郭癖泉石，深遯肥州。况入窮谷，燒竹為

釋無顧榮意有泛塵謀法華柱杖永眠白牛

白崖

寶生號白崖河陽橘氏子眉目清秀風姿間雅能作詩善騎射自少不樂塵俗往金剛峯求出家而依故人薙染即日擔簦遊方道經吉野聞風憂竹聲恍然有省遂服勤寂室于永源四載後逢拙明鑑於上野而呈所解拙不諾乃坐一室不出戶者三年尋入日光山結茅以居焉誓曰不明大法終不下山一日早間煮粥偶粥鍋

破裂豁然大悟走見拙老乃蒙印可自是一鉢雲遊後遊若耶滅度乎泉龍時應永二十一年九月七日閱世七十有二坐五十二夏

向陽太等

太等諱一祐尾州土岐氏之子也幼而出家依附實峯于能之定先遂得法眼瑞世諸岳退誼勢廟夢神明託曰授藤井尋禮洛之清水寺太士又夢如神託焉爾後明德二年到乎若州憇月輪教寺時有吟法師見其俊邁渴仰鄭重等

有朝指東嶺曰何名吟曰藤井等謂奇哉我先
夢此二字異之久矣今果得遭於此山也仍攀
葛藤而入或衝羊腸而上絕頂嵯峨密林幽邃
甚愜素志神所授也乃補艸而住者二十五年
道業純粹遺形骸均物我故禽獸馴聞誨如人
神人送供奉重受戒應永二十二年五月二十
四日寅刻跌坐無病示寂
贊曰周禮分六夢靈樞辨三九正夢唯一而
餘皆淫邪發夢也等翁夢頌藤嶺於神明與

大士覺後移影於藤井絕蹤於人間是正夢
而弗淫邪歟唯應至誠之所感也已予恐似
於吐穢言芥藻美事嘆

華叟

師諱宗曇號華叟不詳其姓氏播州揖西縣人
也八歲入京師剃染徹翁之下而待巾屣為人
純粹朴直翁以佛心呼之及翁順世乃就學於
雪翁而立之後依兄言外斯夕參請雖寒折膠
暑爍金不暇顧也一日提世尊拈花公案豁然

大徹趨方丈通所見外大稱賞故授與今號嘗
應江之禪興菴足不越閩四部仰德暮年遷鹽
津之高源院養病以正長元年六月二十七日
授筆書偈而逝謚曰大機弘宗禪師春秋七十
七矣

大洞如仲

如仲諱天閻不知何許人也師事梅山頓了心
機惡世繁雜遽然秣杖周遊山林尋韜晦地已
及日暮宿於路傍茅堂堂上安圓通大士像仲

祈得隱棲之境其夜夢大士以橘一顆投懷翌
日入深一許里而有邑名橘有山號橘谷符合
昨夢閑靜無塵之地也乃放囊于此附樹架蓬
茨僅容膝而已浹旬山民群信剔咀蠲蕝營締
院宇稱大洞大相國公遠聞德韻奉腴沃充厨
資業龍化來潤誨受戒龍報之以鹹泉異跡維
多略不載之永享申年二月五日示寂

贊曰仲之徒畫壽像需贊辭仲自讚曰橘谷
結艸廬應永辛卯歲住此中底誰逢人無向

背王嶠對案山相見早晚罷澗水潺潺乎清
而涵天松風颯颯乎鳴而隣海於此枕漱億
千萬載咄大家一笑閭閻然充境共忘樂愷
愷

瑞岩

師諱龍惺字仲建號瑞岩出泉州石津望族源
氏其父爲因州刺史號南樵母及生師天資穎
異在齠齒氣宇如神歲十一而依麟一菴爲沙
彌尋常操持不苟菴奇之十七歲試所習得度

納戒商確古今親受密印時年方二十有四矣
逮麟遷化恨離師早一瓢一衲守志不移嘗住
護國厥後諸利屢招皆不就退居東菴暮年戶
南禪半年倦於應接退于東山復自掃一室于
靈泉之側臨終書偈脫然而逝其自在者如歸
故廬長祿四年潤九月初五日也

種月南英

謙宗號南英文自稱三謙道人薩州人也資性
博達文辭聞世游方訪師謁耕雲傑堂堂示以

黃藥語茶話再詰時謙忽焉疑情冰解優呈偈
云法身空解盡成蛇一拶當機要若何昨夜春
簷風雨惡和根吹倒海棠花堂深領之辭到備
州隱處牛頭山扁所居曰種月又到興州結茅
於秘澤聖體長養淡然閑放房州太守懷其風
而招以天寧謙臥不起堅請不已故強應之竟
正辰年五月十九日寂壽七十四臘六十一
贊曰謙宗學法融乎牛頭慣大梅乎秘澤二
處之風致吾可得而景慕矣所謂謙尊而之

卑而不可踰君子之終也嗚呼

龍谿盧嶽

等都號盧嶽野州人也稚小出塵徧訪禪叢後
參茂林始解疑滯一日隨林游方偶過參之矢
矯橋林曰此源頭有勝地汝泝流源立個禪體
必莫教我道永斷絕嶽唯唯潛然訣林優攀一
山構室於其山冷淡燕居其傍有近里寮所人
歛則於茲茶毗嶽見喪主歸徐出室而收喪食
及喪莫而喫之未曾頭陀終夜坐喪火以養殘

生如此者七年。又入深一許里而庵栖者四歲也。自後檀信交集為嶽。嶽寺山號大澤院名龍。巖于微恙。索浴示偈。神逝於函丈。贊曰。南山感德於諸天。諸天供食於南山。德之所至。天之所感。吾於其中。豈容疑乎。盧嶽得食於喪所。坐暖於喪火。安眠高臥。寢起自如。若德勝於南山。食勝於天。供吾又於其中。不可思議也。已。

洛下隱士

隱士姓名未詳。康正年間。武衛斯波義廉作詩寄之。村庵靈彦亦次韻曰。柴門雖設亦常關。人比蘆公隱處閑。想得玉堂揮翰手。只應拄笏對西山。

箕山子

箕山子自號箕老翁。亦呼山道人。臥甲之山足。

安藥師佛餘不持器時遊於村里飲啖不釋不食無餓色面如桃花唯教以藥方傳曰信玄密造山足對箕老翁事無巨細皆決於此而運軍慮出矣箕山後晦跡入深山再不來山足云贊曰節彼箕山是桃花顏久臥山足似養癩頑諸葛處於茲信玄又耐攀惜乎小隱子何不破禪關

明忍律師

律師諱明忍字俊正族中原氏少內記康雄次


子小字久松俗諱賢好以天正子歲誕于洛城甫七歲隨高雄晉海學聰悟過絕人十一歲初冠任少內記常厭世相不榮官祿唯昔所聽海師之訓在心無忘寄思雲山慶長四年二十四歲遂投高雄薙髮而稟瑜伽密行學律於南都西大寺宿滯永釋自誓受戒意欲追嘉禎之蹤再興律幢之創共誘慧雲講行事鈔其餘律部及後二戒學無不研究晉海僧正重芟洛西槓尾湮沒而屬莽蒼建平等心王院依請律師住

焉。律師常謂吾已遂通受自誓之願而未果別
受相承之望於是乎跋踰海之志既而出槓尾
到對馬六物之外無隨身具偶聞震且法表未
及解纜因寓馬嶋數年環堵之室不蔽風日常
行乞食資用不充會母書自洛至律師優慰勲
捧戴投山下小流終不啓視人莫知其意律師
抱病日久一日病已革矣親染手筆遺書誓海
謝其深恩即執短杖叩席唱佛即時紫雲變
寶華亂墜慶長亥年六月七日示滅馬嶋其年

三十有五徒衆痛絕如喪恃恠律師嘗製自誓
血脉圖與正之下系讚辭曰弁吞三聚長養戒
身耀法利生千古未聞

贊曰忍公陪海之日須陀問道之年浮世之
情輕於鴻毛扶律之念堅於鐵石通受創膺
別受未承然追嘉禎之蹤宏興律幢之創所
謂儀法起於魏宗趣成於唐我之本朝兼備
儀法宗趣者夫惟明忍歟可惜踰海志節早
拆馬嶋善哉環堵之室不蔽風日慈母贈書

何ハ附ス小流勿謂レ戒是孝順之本也蓋孝也養志也必美也矣也乎乎



續扶桑隱逸傳卷中

